

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06, 51/09), člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), i člana 83. stav (1) Poslovnika Općinskog vijeća Stari Grad Sarajevo ("Službene novine Kantona Sarajevo", broj 49/17 i 6/20), Općinsko vijeće Stari Grad Sarajevo, na sjednici održanoj 28. januara 2021. godine, donijelo je

**ODLUKU
O DODJELI PROSTORIJA ZA RAD KLUBOVA
VIJEĆNIKA OPĆINSKOG VIJEĆA STARI GRAD
SARAJEVO**

Član 1.

Odlukom o dodjeli prostorija za rad klubova vijećnika Općinskog vijeća Stari Grad Sarajevo (u daljem tekstu: Odluka) propisuju se minimalni uslovi, način dodjele, početka i prestanka korištenja prostorija za rad klubova vijećnika u Općinskom vijeću Stari Grad Sarajevo (U daljem tekstu: Općinsko vijeće).

Član 2.

- (1) Prostorije za rad kluba vijećnika su kancelarijske prostorije u vlasništvu Općine Stari Grad Sarajevo.
- (2) Pojam kluba vijećnika definiran je Poslovníkom Općinskog vijeća.
- (3) Prostorije za rad kluba vijećnika iz stava (1) ovog člana dodjeljuju se klubovima vijećnika radi stvaranja adekvatnih uvjeta za rad i djelovanje vijećnika u Općinskom vijeću.

Član 3.

- (1) Pod prostorijama za rad kluba vijećnika opisanim u članu 2. ove Odluke podrazumijevaju se prostorije čija kvadratura neće biti manja od 8 (osam) metara kvadratnih po članu kluba vijećnika.
- (2) Prostorije za rad kluba vijećnika moraju imati sve adekvatne komunalne priključke, biti fizički povezane i biti uvjetne za rad.
- (3) Klubovi vijećnika prostorije za rad koriste bez naknade.

Član 4.

- (1) Klub vijećnika, po formiranju, je dužan uputiti zahtjev za dodjelu prostorija za rad kluba vijećnika predsjedavajućem Općinskog vijeća.
- (2) Predsjedavajući Općinskog vijeća, nakon konsultacije sa Kolegijem Općinskog vijeća, zahtjev za dodjelu prostorija za rad kluba vijećnika dostavlja Općinskom načelniku.
- (3) Po prijemu zahtjeva iz stava (2) ovog člana Općinski načelnik u roku od 7 (sedam) dana donosi rješenje o dodjeli prostorija za rad kluba vijećnika u skladu sa odredbama člana 3. ove Odluke.
- (4) O provedbi rješenja iz stava (3) ovog člana stara se Općinski načelnik putem nadležnih službi.

Član 5.

- (1) Prostorije za rad klub vijećnika ima pravo koristiti sve dok postoji klub, odnosno do potvrde mandata novog saziva Općinskog vijeća, formiranja novih klubova i nove raspodjele prostorija na način utvrđen ovom Odlukom.
- (2) U slučaju formiranja novog kluba vijećnika u toku mandata, bit će im dodijeljene prostorije u skladu sa odredbama člana 4. ove Odluke.
- (3) U slučaju da klub vijećnika u toku mandata prestane da egzistira, predsjedavajući Općinskog vijeća će u roku od 7 (sedam) dana informirati Općinskog načelnika o prestanku egzistiranja kluba.

- (4) Nakon zaprimanja informacije o prestanku egzistiranja kluba vijećnika, Općinski načelnik donosi rješenje o prestanku korištenja prostorija za rad kluba vijećnika.
- (5) O provedbi rješenja iz stava (4) ovog člana stara se Općinski načelnik putem nadležnih službi.

Član 6.

Administrativne, tehničke i druge poslove vezane za provođenje ove Odluke vrše nadležne općinske službe.

Član 7.

Danom stupanja na snagu ove Odluke pristupit će se raspodjeli prostorija formiranim klubovima vijećnika Općinskog vijeća u skladu sa odredbama člana 4. ove Odluke.

Član 8.

Stupanjem na snagu ove Odluke prestaje važiti "Odluka o dodjeli prostorija za rad klubova vijećnika" ("Službene novine Kantona Sarajevo", broj 46/14).

Član 9.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Predsjedavajući
Općinskog vijeća
Stari Grad Sarajevo
Dr. sc. **Mirza Batalović**, s. r.

Broj 02-45-43/21
Januar 2021. godine
Sarajevo

Na osnovu člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13) i člana 24. Poslovnika Općinskog vijeća Stari Grad Sarajevo ("Službene novine Kantona Sarajevo", broj 49/17 - Prečišćeni tekst i 6/20), Općinsko vijeće Stari Grad Sarajevo, na sjednici, održanoj 28. januara 2021. godine, donijelo je

**RJEŠENJE
O IMENOVANJU PREDSEDJENIKA, ZAMJENIKA
PREDSEDJENIKA I ČLANOVA KOMISIJE ZA FIZIČKU
KULTURU I SPORT**

I

U Komisiju za fizičku kulturu i sport, imenuju se:

1. HUSEIN ČENGIĆ - na dužnost predsjednika Komisije
2. ALDIJANA KULIN - na dužnost zamjenice predsjednika Komisije
3. HARIŠ REŽEPAGIĆ - na dužnost člana
4. MAJLINDA DAŠI - na dužnost člana
5. NERMIN ČEHIĆ - na dužnost člana
6. TARIK ČENGIĆ - na dužnost člana
7. SRĐAN SIMONVIĆ - na dužnost člana
8. NAIDA ĐUGUM - na dužnost člana
9. KENAN HANDŽIĆ - na dužnost člana

II

Ovo Rješenje stupa na snagu danom donošenja, a naknadno će biti objavljeno u "Službenim novinama Kantona Sarajevo".

Predsjedavajući
Općinskog vijeća
Stari Grad Sarajevo
Dr. sc. **Mirza Batalović**, s. r.

Broj 02-45-56/21
Januara 2021. godine
Sarajevo

Na osnovu člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13) i člana 24. Poslovnika Općinskog vijeća Stari Grad Sarajevo ("Službene novine Kantona Sarajevo", broj 49/17 - Prečišćeni tekst i 6/20), Općinsko vijeće Stari Grad Sarajevo, na sjednici, održanoj 28. januara 2021. godine, donijelo je